

本淨無所有 無相貌可見 無思想能說
 衆生本無生 云何得言死 寂滅無衆生
 衆生在何處 言音為說法 法不住言音
 亦不可文字 卍尊如斯說 諸處遍推求
 不見風水火 地亦無分別 慧眼之所宣
 色受及與想 行識同虛空 假言彼五陰

其實無積聚 眼耳鼻舌身 心意等諸根
 雖說本性空 空亦不可得 色聲香味觸
 及以種種法 斯由分別生 分別體空寂
 欲界與色界 及彼無色天 皆說如幻化
 虛偽不真實 如是諸卍尊 為衆生說法
 欲求出衆苦 速歸大導師

彼諸化佛說此偈時於是三千大千世界咸
 得聞之有九十六億欲色諸天遠離塵垢得
 法眼淨二萬天子馱離衆欲三萬二千天子
 皆發阿耨多羅三藐三菩提心一萬行菩薩
 乘諸天子得無生法忍尔時彼化如來所可
 勸召無量無邊阿僧祇億那由他百千諸天

大衆於須臾間悉皆雲集釋迦如來應供正
 遍覺所稽首足下右遶三市退住一面以天
 花香所謂優鉢羅花鉢頭摩花拘物頭花分
 陀利花曼陀羅花摩訶曼陀羅花及諸花鬘
 末香塗香奉散卍尊及餘供養復以種種天
 妙樂音歌詠稱讚滿彼虛空時大集衆其數
 甚多難可稱計周遍充滿此四天下無有空
 地如一杖頭而不遍者是諸天人具大威德
 所散諸花滿四天下積至于膝

大寶積經卷第一百二 十五末 文二

大寶積經卷第一百三 文三

隋三藏達摩笈多譯

善住意天子會第三十六之二

開寶義品第二

尔時大集衆中有上首天所謂善住意天子
 善寂天子慙愧天子與如是等九十六億諸

天子俱一切皆行菩薩之道咸共往詣文殊師利所至其門外右遶七匝遶七匝已然後兩天曼陀羅花其所雨花遍覆虛空高十由旬成花網臺形如寶塔時文殊師利持此花臺供養世尊供養已即以神力令此三千大千世界一切國土虛空之中花網遍覆是花

光明普照三千大千世界皆大明盛復兩天曼陀羅花尔時文殊師利菩薩摩訶薩閑雅安庠從精舍出更以神力令所居地自然而有七寶妙座其座巍巍具足莊嚴文殊師利欽容整服昇此寶座時善住意天子見文殊師利昇寶座已即以頂禮文殊師利足退住

一面一切諸天亦皆頂禮文殊師利足尔時文殊師利如是思惟誰於今日堪任與我在世尊前對揚深法誰為法器能受如是不思議句甚難證句無處所句無所著句無戲論句不可得句不可說句甚深句真實句無礙句不可壞句空句無相句無願句如如句實

際句法界句無形貌句不取句不捨句佛句法句僧句智慧滿足句三界平等句一切法無所得句一切法無生句師子句勇猛句無句句如斯說已誰聽者乎於是文殊師利復更思惟今此唯有善住意天子已於過去供養多佛入深法忍具足辯才當能與我處世

尊前共談實義尔時文殊師利如是念已即語善住意天子言天子汝今已得甚深法忍又能具足無礙辯才今當與我詣世尊所對論如是深妙義乎時善住意天子報文殊師利言大士我如是說彼若於我無有語言不為演說不存諮問亦無報答無佛法眾斷滅

三乘無生死無涅槃不合不散不啓不發不出聲音除諸文字如是說者我當共談文殊師利語善住意天子言天子我如是說彼能於我無聽無聞無讀無誦無受無持不思不念不取不捨不覺不知不聞我言不為他說所以者何諸佛菩提本無文字無心離心無

大三

二

有覺悟雖假名說其名亦空善住又言大士
 今者且為諸天子說斯諸天子於大士說樂
 欲聽聞文殊師利言天子我終不為樂聽者
 說又亦不為聞受者說所以者何凡有聽受
 則為取著云何取著所謂我著人著眾生著
 壽命著士夫著以取著故便有聽受如是聽

受當知彼住三種縛中何謂三縛一見我縛
 二見眾生縛三見法縛天子若無如是三種
 見縛而聽法者當知彼住三種淨中何謂三
 淨一不見自身不分別不思念不證知二不
 見說者不分別不思念不證知三不見所說
 不分別不思念不證知天子是則名為三種
 淨也天子若有能作如是聽者是平等聽非
 不平等余時善住意天子讚文殊師利言善
 哉善哉快作斯說大士若有能作如是說者
 當知即是不退轉說文殊師利言且止天子
 汝今不應妄想分別菩薩退轉何以故若使
 菩薩有退轉者彼終不能成等正覺所以者

何是菩提中無退法故善住復言大士若如
 是者當於何處有斯退轉文殊師利言天子
 當知從貪欲故有退轉從瞋恚故有退轉從
 愚癡故有退轉從有愛故有退轉從無明故
 有退轉乃至從十二有分生死所生故有退
 轉從因故有退轉從見故有退轉從名故有

文三

三

退轉從色故有退轉從欲界故有退轉從色
 界故有退轉從無色界故有退轉從聲聞行
 故有退轉從辟支佛行故有退轉從分別故
 有退轉從執著故有退轉從相故有退轉從
 取相故有退轉從斷見故有退轉從常見故
 有退轉從取故有退轉從捨故有退轉從我
 想故有退轉從眾生想故有退轉從壽命想
 故有退轉從士夫想故有退轉從補伽羅想
 故有退轉從思想故有退轉從繫縛故有退
 轉從顛倒故有退轉從我見故有退轉從我
 見為根本六十二見故有退轉從諸蓋故有
 退轉從諸陰故有退轉從諸入故有退轉從

諸界故有退轉從佛想故有退轉從法想故
有退轉從僧想故有退轉如是乃至我當成
佛我當說法我度衆生我當破魔我得智慧
從是諸想故有退轉如是天子若能不分別
如來十力不分別四無所畏不分別十八不
共法不分別一切根力覺道不分別諸相好
不分別莊嚴佛國不分別聲聞不分別菩薩
乃至不分別一切分別退轉者是名不退轉
尔時善住意天子復白文殊師利言大士若
如是者當於何處得不退轉文殊師利言天
子當知從通達佛慧故得不退轉從空故不
退轉從無相故不退轉從無願故不退轉從
如如故不退轉從法性故不退轉從實際故
不退轉從平等故不退轉善住意言大士若
如是說一切諸分別無分別二俱不異所以
者何皆從思惟分別生故是故得言彼有退
轉又問如是退轉為有法耶為無法乎文殊
師利言非有非無如是退轉善住意言大士

若尔何處退轉文殊師利言若有若無是虛
妄取是顛倒取是不如取彼則不取亦非不
取以是義故得言退轉而彼退法不可說有
不可說無何以故若有無中有退轉者彼即
為過所以者何若有法退轉則墮常邊無法
退轉則墮斷邊然世尊說不住常中不住斷

文三

四

中非斷非常世尊所說天子若彼於先不真
實想而彼證知則名非斷非常天子是為菩
薩退轉法門說是法時十千天子得無生法忍
文殊神變品第三

尔時善住意天子白文殊師利言大士今可
俱行詣如來所奉見頂禮諮受未聞亦因此
時如法問難文殊師利言天子汝莫分別取
著如來善住意言大士如來何在而言莫著
文殊師利言即在現前善住意言若如是者
我何不見文殊師利言天子汝今若能一切
不見是則名為真見如來善住意言若現前
者云何誠我莫取如來文殊師利言天子汝

謂今者現前何有善住意言有虛空界文殊師利言如是天子言如來者即虛空界何以故諸法平等如虛空故是故虛空即是如來如來即是虛空虛空如來無二無別天子以是義故若人欲求見如來者當作斯觀如實真際覺了是中無有一物可分別者尔時文

殊師利菩薩摩訶薩復以神力化作三十二所重閣寶堂輦軒具足四面正方四角有柱周匝欄楯寶網交絡殊特妙好高顯巍巍具足莊嚴甚可愛樂諸堂閣內咸有勝林眾寶所成天衣覆上其林各有化菩薩坐具三十二大人之相尔時文殊師利普現如是莊嚴

文三

五

事已遂更與彼蓮花化佛并化菩薩及此寶輦重閣殿堂諸菩薩眾俱往佛所繞佛七匝并亦圍繞比丘眾已踊在虛空光明普照眾會道場四面而住尔時文殊師利後善住意發忽然在前先至佛所善住意天子反更後到白言大士吾發在前更在後至仁從何路

乃至於斯文殊師利言天子假使供養滿恒河沙諸如來等稽首為禮終不見吾往來進止尔時花臺諸化菩薩及寶堂中諸菩薩眾同聲說偈讚嘆如來

已曾供養過恒沙
熾然修行求菩提
不可思議諸世尊
是故超出天人以上

光明妙色三界雄
為眾宣說甚深法
世尊行施持淨戒
智慧清淨三界表
其有發意求菩提
若於深空無疑惑
當紹出世大法王

過去諸佛等正覺
常說如是諸法空
眾生體性不可得
本既無來亦無去
如彼化人觀眾事
世尊說法亦如是
現在一切兩足尊
本來無相亦無作
何有生者及死滅
一切諸法如虛空
雖復示現而無真
斯皆虛誑同幻夢

恒沙世界滿中寶
若能修忍善說空
復於恒沙諸劫中
奉獻香花及眾具
得聞如是甚深法
當知彼得明淨忍

持以布施一切人
如是行施超於彼
供養諸佛天人上
為求菩提離世間
無有眾生及命人
是為供養十方佛

於無數劫行布施
當知彼非解脫因
歸命滅度人中尊
諸法皆空本清淨
諸佛出世甚難值
人身難得今已獲

衣食象馬及眾珍
以有我人眾生想
救濟眾生無量數
如是解脫智莊嚴
得聞正法生信難
善哉佛法汝順行

已得獨除斯八難
於諸正法得信行
若聞法已應正思
汝等常行阿蘭若
近善知識及法師
汝於眾生平等想

末絕迫窄處空閑
應當勇猛發精進
不可聞聲即取著
必當速疾成人雄
應速遠離諸惡友
慎勿妄起我人心

常樂多聞持禁戒
腐藥治病莫誅善
一切有為即無為
若了實際見真如
當觀五陰猶如幻
世尊常說如斯法

捐棄舍宅坐林間
亦恒乞食受糞衣
等同一相如陽焰
疾成無上菩提道
內外諸入如空舍
法等於彼莫生著

貪欲瞋恚性自空
彼法已滅今亦無

愚癡我慢分別起
如是知者得成佛

如是諸化菩薩說是偈時彼會眾中二萬二千眾生皆發阿耨多羅三藐三菩提心五百比丘漏盡意解心得解脫五百比丘尼遠塵離垢得法眼淨七千優婆塞優婆夷二萬五

千諸天子亦離塵垢法眼清淨三百菩薩得無生法忍於是三千大千世界大地六種震動所謂動遍動等遍動震遍震等遍震涌遍涌等遍涌乃至吼起覺等亦復如是

破魔品第四
尔時尊者舍利弗白佛言世尊今此瑞相誰

文三

六

文三

七

之所爲能令如是三千大千世界大地六種震動又是寶華殿堂蓮花座上諸菩薩等放大光明照斯衆會演說如是微妙深法復令如是無量億數諸天子衆皆來集會復有億數諸菩薩等亦來集也。爾時佛告舍利弗斯乃文殊師利威神之力故現如是妙莊嚴事

亦令菩薩諸天雲集所以者何舍利弗是文殊師利與善住意天子將諸大衆欲來我所請問如是破散諸魔三昧法門具足成就諸不思議甚深佛法故時舍利弗復白佛言世尊若如是者何因緣故我觀此衆竟不見彼文殊師利佛告舍利弗汝宜且待今文殊師

利已與一切魔王一切魔衆一切魔宮作大衰耗所爲神變極妙莊嚴將至我所汝當自見於是文殊師利即入破散諸魔三昧三昧力故即時三千大千世界百億魔宮朽故暗冥若將毀壞其變已現無復威光令一切魔不樂其所各自見身昏耄羸瘠拄杖而行諸

天女輩變成老母一切衆魔見是事故心大憂愁身毛皆豎惶怖思念是何變恠令吾內外不祥若斯將無死沒時至果報離散耶爲是世間將壞劫災事乎彼諸魔衆如是念時文殊師利復以神力即現百億天子住在魔前告魔衆曰汝勿憂懼此非汝災亦非劫盡

所以者何今此適有住不退轉菩薩大士名文殊師利有大威神道德超世即時正入破散諸魔三昧法門以彼大士三昧威神其事若此非有他也諸化天子說是語時一切魔王及諸魔衆聞諸化天說文殊師利大士名號更增惶恐戰掉不安一切魔宮皆大震動

時諸魔王答化天曰惟願仁慈救我危厄諸化天子復語魔言勿怖勿怖汝等今宜速疾往詣釋迦牟尼佛世尊所所以者何彼佛如來有大慈悲若諸衆生憂恐煎迫但往歸依皆蒙安樂除諸憂苦時諸化天如是語已即於其處忽然不現。爾時一切魔王及諸魔衆

文三

八

聞化天教莫不歡欣皆共同心於須臾頃羸
弊拄杖皆來住於釋迦牟尼佛前同聲白言
大德世尊願見救護願見救護免茲變恠困
苦大厄世尊我等寧受百千萬億諸佛名號
不願聞彼文殊師利一菩薩名何以故我即
聞是文殊師利菩薩名時便大驚恐若喪自

身今時世尊告諸魔言波旬汝今何忽發如
是言所以者何是文殊大士凡所開導利益
衆生億百千佛昔所未作今亦不作當亦不
作唯此文殊師利去來現在常爲衆生建斯
大事衆生熟已置解脫中是故汝等雖復聞
彼百千佛名不生苦惱亦無驚怖云何而言

我今忽聞一文殊師利名皆大驚恐時彼魔
衆白言世尊我誠慙恥此弊老身加以惶懼
發斯言耳世尊我等從今歸依正覺惟願哀
愍復我本形佛告之曰且待須臾文殊師利
亦既來已自除汝恥於是文殊師利從三昧
起遂與無量百千天衆復與無量百千諸大

菩薩摩訶薩等及無量百千諸龍夜叉乾闥
婆阿脩羅迦樓羅緊那羅摩睺羅伽等前後
圍遶復作無量百千微妙樂音復雨如是無
量妙花所謂優鉢羅花鉢頭摩花拘物頭花
分陀利花具大莊嚴有大神通威德無極俱
來佛所頭面禮敬右遶三匝退住一面今時

文三

九

世尊告文殊師利言文殊師利汝入如是破
散諸魔三昧耶文殊師利白言世尊唯然已
入佛言文殊師利汝從何佛聞是三昧修經
幾時而得成滿文殊師利言世尊我本未發
菩提心時從佛得聞如是三昧又問文殊師
利彼佛世尊名號何等說是三昧令汝得聞

文殊師利白言世尊我憶過去無量無邊不
可思議阿僧祇劫今時有佛號曼陀羅花香
如來應供正遍知明行足善逝世間解無上
士調御丈夫天人師佛世尊出現世時宣說
如是破散諸魔三昧我於彼時初得聽聞佛
告文殊師利如是三昧云何修得文殊師利

白言世尊若菩薩摩訶薩具足成就二十種法則能得是破魔三昧何等二十所謂一者訶毀貪欲破壞貪心二者訶毀瞋怒破壞瞋心三者訶毀愚癡破壞癡心四者訶毀嫉妬破壞妬心五者訶毀憍慢破壞慢心六者訶毀諸蓋破壞蓋心七者訶毀熱惱破壞惱心

八者訶毀想念破壞想心九者訶毀諸見破壞見心十者訶毀分別破分別心十一訶毀取事破壞取心十二訶毀執著破壞執心十三訶毀諸相破壞相心十四訶毀有法破壞有心十五訶毀常法破壞常心十六訶毀斷法破壞斷心十七訶毀諸陰破壞陰心十八

訶毀諸入破壞入心十九訶毀諸界破壞界心二十訶毀三界破壞三界心世尊是為菩薩摩訶薩具二十法畢竟成就如是三昧世尊菩薩摩訶薩復有四法具足修行得是三昧何等為四一者建立心行清淨調柔二者心性淳直無諸諂曲三者心無攀緣入深法

忍四者外內所有一切能施是為菩薩摩訶薩具足四法成就三昧世尊菩薩摩訶薩復有四法能得三昧何等為四一者畢竟深信二者成就實語三者常樂空閑四者不取諸相是為菩薩具足四法成就三昧復有四法菩薩成就得是三昧何等為四一者親近善

友

十

友二者常知止足三者獨坐思惟四者不樂誼猥是為菩薩具足四法成就三昧復有四法菩薩成就得是三昧何等為四一者不破壞戒二者不缺犯戒三者無所依戒四者不望報戒是為菩薩具足四法成就三昧復有四法菩薩成就得是三昧何等為四一者捨

聲聞心二者離緣覺心三者住菩薩忍四者不捨眾生是為菩薩具足四法成就三昧復有四法菩薩成就得是三昧何等為四一者修空捨我二者離相無相三者無願除願四者捨諸所有是為菩薩具足四法能得三昧世尊時彼曼陀羅花香如來應供正遍覺說

此破散諸魔法門我從彼佛聞已初修次復有佛號一切寶電蔽日月光如來應供正遍覺我時於彼具足成就彼佛世尊說此法門時彼眾會中十千菩薩皆得成就此三昧門尔時尊者舍利弗白佛言希有世尊今此文殊師利乃能久遠成就如是降魔三昧三昧力故能令波旬及諸魔眾髮白老耄形志俱衰一至斯也佛告舍利弗於意云何汝今言此文殊師利獨是三千大千世界變此眾魔如斯老耄耶舍利弗汝今不應作如是見所以者何舍利弗今者十方如恒河沙等諸佛世界所有諸魔一切皆悉如是變壞盡是文

文三

十一

殊師利威力所為於是世尊告文殊師利言文殊師利汝今當且攝汝神力令彼眾魔得復本形尔時文殊師利受佛教已告諸魔曰眾仁者實為馱患此身儀耶魔報曰唯然大士文殊師利言若如是者汝今亦當馱患貪欲勿著三界諸魔報曰善哉大士敬聞嘉誨

豈敢有違惟願少假威神除此慙苦文殊師利遂攝神力令一切魔復彼天形莊嚴如故尔時文殊師利告諸魔言波旬汝所有眼何者為眼何者眼想如是何處是眼著是眼相是眼攀緣是眼障礙是眼思是眼我是眼依止是眼喜樂是眼戲論是眼我所是眼護是眼念是眼取是眼捨是眼分別是眼思量是眼成就是眼生是眼滅乃至是眼來去如是等法為汝境界魔業障礙如眼乃至身意亦如是又如色乃至觸法為汝境界魔業障礙亦復如是汝等皆應如實了知復次波旬汝所有眼即為非眼亦為無眼為無眼想無眼著無眼相無眼攀緣無眼障礙無眼思無眼我無眼依止無眼愛無眼戲論無眼我所無眼護無眼念無眼取無眼捨無眼分別無眼思量無眼決定無眼生無眼滅無眼去無眼來如是等法非汝境界汝於是中不能為主無法無力不得自在亦無取著如眼乃至身

心亦如是又如色乃至觸法亦如是汝等皆應如實了知文殊師利說是法時衆中一萬魔王波旬皆發阿耨多羅三藐三菩提心八萬四千諸魔眷屬遠離塵垢得法眼淨菩薩身行品第五

爾時尊者摩訶迦葉白佛言世尊我等願請

文殊師利令我觀見彼諸菩薩摩訶薩等所以者何世尊斯諸大士難可值遇爾時世尊即告文殊師利言汝應當知今此大衆咸皆渴仰思願觀見十方所有諸來菩薩摩訶薩身今正是時汝應顯現於是文殊師利蒙聖教已即便告彼法輪菩薩月光菩薩降魔菩薩

薩妙音菩薩離垢菩薩寂滅菩薩選擇菩薩法王吼菩薩如是等無量菩薩摩訶薩言諸大士汝等今宜各於宮殿自顯其身分明現汝本國形狀也文殊師利發斯語已於是諸菩薩衆從三昧起各現本身令諸大衆一切咸見或有菩薩其身高大若須彌山王或有

菩薩身大八萬四千由旬或有身大百千由旬或九十千乃至五十四三十二十千者或有身大十千由旬乃至或有五千四千三千二千者或有身大一千由旬乃至或有五百四百三百二百者或有身大一百由旬乃至或有五十四三十二十者或有身大十由旬者乃至或有五十四三二一由旬者如是乃至或有菩薩身量大小長短寬狹如此娑婆世界人身無異當爾之時此三千大千世界大衆充滿無有空處如杖頭許其中所有諸大菩薩摩訶薩衆一切多是功德巍巍智慧深遠具足威力成就神通放大光明遍照

十方無量百千諸佛世界乃至一切大威德天及諸天龍夜叉乾闥婆阿脩羅迦樓羅緊那羅摩睺羅伽人非人等大小諸王皆悉充滿爾時文殊師利從座而起整理衣服偏袒右肩右膝著地合掌向佛白言世尊我於今者欲少諮問如來應供正遍覺所有心疑未

文三

十三

文三

十三

審世尊見垂聽不佛告文殊師利如來應供
正遍覺恣汝所問當為汝釋決汝所疑令汝
心喜文殊師利言唯然世尊願為宣說我當
聽受文殊師利言世尊云何名為菩薩摩訶
薩言菩薩者義何謂也佛告文殊師利汝問
云何為菩薩菩薩有何義者以能覺了一切

法故名為菩薩摩訶薩也文殊師利彼一切
法菩薩覺者所謂言說文殊師利菩薩云何
覺一切法所謂覺眼覺耳覺鼻覺舌覺身覺
意文殊師利云何菩薩覺眼覺耳乃至覺意
文殊師利所謂菩薩覺彼眼法本性空故如
是覺已終不生念我能覺知如是覺耳乃至
覺意皆本性空如是覺已亦不生念我能覺
知菩薩如是覺眼等已復覺彼色本性自空
如是覺已亦不分別我能覺知如是覺聲乃
至覺法皆本性空亦不分別我能覺知是為
菩薩覺一切法也復次文殊師利云何菩薩
覺彼五陰所謂菩薩觀見陰體本性自空如

斯覺故觀無相如斯覺故觀無願如斯覺故
觀無欲如斯覺故觀寂靜如斯覺故觀遠離
如斯覺故觀無所有如斯覺故觀無實如斯
覺故觀無動如斯覺故觀無生如斯覺故觀
無來如斯覺故觀無去如斯覺故觀無真如
斯覺故觀無主如斯覺故觀無證如斯覺故

觀無知如斯覺故觀無見如斯覺故觀無人
如斯覺故觀無想如斯覺故觀不可說如斯
覺故觀但有名如斯覺故觀無我如斯覺故
觀分別起如斯覺故觀從緣生如斯覺故觀
如幻如斯覺故觀如化如斯覺故觀如夢如
斯覺故觀如鏡像如斯覺故觀如聲響如斯
覺故觀如芭蕉如斯覺故觀不久住如斯覺
故觀不牢固如斯覺故觀虛妄如斯覺故觀
無物如斯覺故是為菩薩覺一切法復次文
殊師利云何菩薩摩訶薩覺貪恚癡所謂覺
彼貪欲因分別起故覺彼瞋恚因分別起故
覺彼愚癡因分別起故而亦覺彼分別空無

文三

十四

所有無物無戲論不可說不可證故是為菩薩覺一切法復次文殊師利云何菩薩摩訶薩覺於三界所謂覺彼欲界無我人故覺彼色界無所作故覺無色界空無有故覺彼三界皆遠離故是為菩薩覺一切法復次文殊師利云何菩薩摩訶薩覺眾生行所謂覺是

眾生貪欲行故覺是眾生瞋恚行故覺是眾生愚癡行故覺是眾生等分行故如是覺已如是證知如是為說如是教化眾生如是令得解脫是為菩薩覺一切法復次文殊師利云何菩薩摩訶薩覺一切眾生所謂覺一切眾生但有其名離彼名已無別眾生是故一

切眾生即一眾生彼一眾生即一切眾生如是眾生即非眾生若能如是無分別者是為菩薩摩訶薩覺一切法又復云何覺一切法能如是覺菩提道故是為菩薩摩訶薩覺一切法尔時世尊重明此義以偈頌曰
覺眼及與耳 自體常空寂 不言我能覺

是名為菩薩
不分別我覺
亦覺意自然
色聲香味觸
是名為菩薩
一切斯同幻

文三

觀鼻及與舌
是名為菩薩
覺已為他說
意所樂諸塵
覺色及受想
是名為菩薩

本性無所有
智慧觀察身
是名為菩薩
覺知本性空
諸行與識心
五陰聚如夢

十五末

覺彼無一相
不生亦不出
彼名亦無物
彼分別無體
分別因緣生
覺察三界空

不分別我知
無作復無言
覺貪欲瞋恚
畢竟終自空
緣此生諸見
一切無真實

是名為菩薩
如是說唯名
斯由分別起
癡亦分別生
諸見不可得
於彼不可動

故名為菩薩
色有無色有
智者悉明了
一切諸眾生
不念彼眾生
覺彼顛倒者

欲界不成就
一切不牢固
貪欲與瞋恚
即彼一眾生
諸法之所起
知顛倒真相

皆緣分別起
眾生之所行
及彼愚癡等
智者無所覺
悉因顛倒生
智慧甚微妙

不取諸音聲 覺已無所著 故名爲菩薩
能捨已肉身 終亦無依止 如是覺真實
乃名爲菩薩 至持戒彼岸 亦不念彼岸
覺戒行法如 無生亦無盡 慈心遍衆生
不得衆生相 覺彼衆生際 但以假言宣
勇猛大精進 深心默有爲 見三界空虛

證無上等覺 常入微妙禪 無著無所依
無住無攀緣 智者定如是 能以利智刀
斷除諸見縛 觀察法界性 無割亦無傷
若人真覺了 一切法如實 應時利衆生
乃名爲菩薩

大寶積經卷第一百三 文三

大寶積經卷第一百四 文四

隋三藏達摩笈多譯

善住意天子會第三十六之三

破菩薩相品第六

尔時文殊師利白佛言世尊如佛所說菩薩
摩訶薩初發心者以何義故名初發心佛告

文殊師利若有菩薩等觀三界一切想生如
是得言最初發心文殊師利是名菩薩初發
心也文殊師利復白佛言世尊如我所解佛
說義者若有菩薩貪欲心生是初發心瞋恚
心生是初發心愚癡心生是初發心世尊所
說將無謂是爲初發心尔時善住意天子問

文殊師利言大士若諸菩薩起貪恚癡名初
發心者所有一切具縛凡夫皆即名爲發心
菩薩所以者何彼諸凡夫從昔至今常發如
是貪恚癡等三毒心故文殊師利語善住意
言天子汝言一切凡夫從昔已來常能發是
三毒心者是義不然何以故一切凡夫心力

羸劣不能發起是貪恚癡唯有諸佛世尊一
切阿羅漢辟支佛不退轉地諸菩薩等乃能
發是貪恚癡耳是故凡夫不能得發善住意
言大士仁今何故作如斯說令此會衆不識
不知陷諸疑網深可怖畏尔時文殊師利語
善住意言天子於意云何如彼飛鳥往來空